



Broj: 03/1-50-14-7-39-5/17

Sarajevo, 13. 9. 2017.

PREDMET: Informacija o radnoj posjeti Agenciji za policijsku podršku BiH,
Sarajevo, 24.4.2017.

Članovi Zajedničke komisije za odbranu i sigurnost BiH boravili su 24. 4. 2017. u radnoj posjeti Agenciji za policijsku podršku Bosne i Hercegovine.

U razgovoru s direktorom Agencije Huseinom Nanićem i njegovim saradnicima predsjedavajući Zajedničke komisije za odbranu i sigurnost BiH Sifet Podžić i članovi Zajedničke komisije Hanka Vajzović i Šemsudin Mehmedović naglasili su da je cilj posjete upoznavanje s dosadašnjim aktivnostima i rezultatima Agencije kako bi se sagledale mogućnosti da Zajednička komisija, u skladu sa svojim nadležnostima, pomogne Agenciji u obavljanju redovnih poslova i zadataka.

Husein Nanić i njegovi saradnici naglasili su da je u proteklom periodu urađena centralna evidencija podataka zaposlenih u policijskim agencijama BiH, elektronska evidencija podataka o uniformama, naoružanju i pripadajućoj opremi u policijskim tijelima BiH, kao i informacioni sistem za vođenje evidencije i dokumentacije za Agenciju za školovanje i stručno usavršavanje kadrova pri Ministarstvu sigurnosti BiH. Agencija za policijsku podršku BiH uspjela je da uradi i pravilnike o standardiziranoj opremi i naoružanju policijskih tijela BiH, kao i o policijskoj uniformi.

Prema Nanićevim riječima, trenutno težište u radu Agencije je na potpunom provođenju odredbi Zakona o Direkciji za koordinaciju policijskih tijela BiH i o agencijama za podršku policijskoj strukturi BiH, sa posebnim akcentom na nastavak aktivnosti na podršci policijskim tijelima BiH u praćenju nove informacione i komunikacione tehnologije i mogućnostima njene primjene.

Tokom razgovora s rukovodstvom Agencije izneseni su podaci koji govore o trenutnom stanju u Agenciji. Ono što karakterizira rad Agencije je sljedeće:

- 34 zaposlena od 48 predviđenih – 70,8%
- Agencija se nalazi u zakupljenim prostorijama
- Izvještaj o radu za 2016. i Program rada za 2017. godinu usvojilo je Vijeće ministara BiH
- Pozitivna mišljenja Ureda za reviziju institucija BiH
- Urađena je Centralna evidencija podataka zaposlenih u policijskim tijelima BiH u saradnji s policijskim tijelima i Ministarstvom sigurnosti BiH

U bazu podataka uneseno je više od 1.350.000 podataka i velike su mogućnosti planiranja i vođenja kadrova. Baze podataka stalno se dograđuju i usavršavaju s ciljem proširivanja mogućnosti korištenja podataka i njihovog ustupanja nadležnim institucijama.

Urađena je elektronska evidencija podataka o uniformama, oružju i pripadajućoj opremi u policijskim tijelima BiH te taj sistem korisnicima obezbjeđuje evidenciju i jednostavno vođenje podataka o oružju, uniformama i pripadajućoj opremi.

Urađen je i Pravilnik o standardiziranoj opremi i naoružanju policijskih tijela Bosne i Hercegovine, Pravilnik o policijskoj uniformi, džepno izdanje Pravilnika o upotrebi sile, Pravilnik o uniformi i opremi pripadnika policijskih organa u operacijama podrške miru i drugim aktivnostima u inozemstvu.

U toku je aktivnost na potpunom provođenju odredbi Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, s posebnim akcentom na etabliranje Agencije kao bitnog dijela sigurnosnog sistema BiH s jasnim nadležnostima i djelatnostima. Neupitan je nastavak aktivnosti u podršci policijskim tijelima BiH u praćenju nove informacione i komunikacione tehnologije i mogućnosti njene primjene u provođenju tenderskih procedura u postupcima javnih nabavki opreme i naoružanja za sva policijska tijela BiH.

Zaključeno je da Agencija za policijsku podršku BiH izvršava zadatke u skladu s postojećim zakonskim rješenjima kako bi realizirala aktivnosti u skladu sa usvojenim planovima i programima te da se s postojećim mogućnostima i infrastrukturom prepoznaje kao subjekat koji može adekvatno podržati postojeći sektor sigurnosti u dijelu koji joj je dodijeljen.

Predsjedavajući Zajedničke komisije

Sifet Podžić

Dostavljeno:

- naslovu
- a/a